

資治通鑑考異

一
函
十
五
冊

函

資治通鑑考異卷第七

端殿學士兼翰林院學士中大夫提舉直學士高崇福宮主簿河內郡開國公食邑三千戶食實封五百戶司馬光奉
勅編集

長沙胡元常彝甫審校

梁紀下

普通二年五月魏桓叔興降

梁帝紀七月叔興率眾降蓋記奏到之日今從魏帝紀

七月魏張普惠救義州不及

普惠傳云棄城走今從裴邃傳

三年十一月魏初行正光祚大赦

後魏律祚志云祚成會孝明帝加元服改元正光因命曰正光
祚按帝紀正光元年七月辛卯加元服三年十一月丙午行正

光祿今從之

西豐侯正德明年自魏逃歸

梁書正德傳普通六年爲輕車將軍頃之犇魏七年自魏逃歸
魏書蕭衍傳正光二年弟子正德來犇南史正德傳普通三年
爲輕車將軍頃之犇魏又自魏逃歸六年隨豫章王北侵輒棄
軍走北史蕭寶寅傳正光四年表論考課後乃云表論正德後
乃云莫折大提反按大提反在正光五年唯南北史年月先
本作前後相近今從之

四年魏破六韓拔陵反

魏帝紀正光五年破落

胡本落作六

汗拔陵反詔臨淮王彧討之五

月彧敗削官按令孤德柔周書賀拔勝傳衛可孤圍懷朔經年
勝乃告急於彧然則拔陵反當在四年蓋帝紀因詔彧討拔陵

而言之非拔陵於時始反也周書作破六韓今從之

衛可孤圍武川

北史可

胡本可作孤

作瓌今從周書

五年四月魏賀拔勝見臨淮王彧於雲中

勝傳云至朔州見彧按後魏地理志雲中舊名朔州及改懷朔

鎮為朔州不容更以雲中為朔州今但云雲中

胡三省曰按魏氏初都平城北

邊列置諸鎮孝昌以後改鎮為州尋即荒廢其地漫不可考杜佑以為魏都平城於郡北三百餘里置懷朔鎮又云遷洛之後於郡北三百餘里置朔州又云後魏初雲中在郡北三百餘里定襄故城北夫其曰皆在郡北三百餘里將是一處邪將是三處邪宋白曰朔州馬邑郡東北至故雲中二百六十里後魏為畿內之地亦曾為懷朔鎮孝文遷洛之後於州北三百八十里定襄故城置朔州又曰後魏初雲中定襄故城是則是朔州與後魏初雲中共一處通鑑此後書改懷朔鎮為朔州更命朔州為雲州此即魏志所謂雲中舊名朔州之證也是則懷朔鎮與雲中是兩處矣是後李崇自崔暹白道之賊引還雲中後又自雲中引還平城其退師道里先後可見而唐之雲中郡乃魏之平城詳而考之歷代建置州郡其名淆雜難指一處為定也

五月魏廣陽王深

魏帝紀作淵今從列傳及北史

胡三省曰按魏收魏書作廣陽王淵李延壽北史作廣陽王深

蓋避唐諱通鑑承用之

六年正月魏元瀣僧殺高諒稱帝

瀣僧傳作高謨今從魏帝紀又魏紀云自稱宋王瀣僧傳及北史皆云稱尊號梁書瀣僧傳云稱帝按瀣僧立諸子爲王必稱帝也今從梁書

瀣僧遣子景仲來降

瀣僧傳云魏室大亂瀣僧據鎮議欲匡復旣而魏亂稍定將討瀣僧瀣僧懼歸欵按時魏亂未定今從北史

元略爲魏所敗

魏帝紀敘元略等事便在庚申瀣僧叛下不應如此之速今移

於胡本於上

月末

三月元灋僧驅彭城吏民萬餘人南渡

南史云武官戍彭城者三千餘人灋僧皆印額爲奴逼將南渡
魏書梁書皆無此事

五月魏李崇卒

魏帝紀在五月戊子按長厯是月乙巳胡本已作亥朔無戊子今不

書曰

魏安豐王延明等將兵二萬逼彭城

南史陳慶之傳云眾十萬今從梁書

六月豫章王綜與梁話淮陰苗文寵投魏軍

南史綜傳綜夜潛與梁話苗寵三騎開北門涉汴河遂奔蕭城

自稱隊主見延明而拜延明坐之間其名氏胡本氏作是不答曰殷

下問人有見識者延明召史

胡本史作使

視之曰豫章王也延明喜

下地執其手

答其拜送于洛陽按魏書及北史鹿念傳皆豫有

盟約魏

胡本無魏字

豈得不知又魏書蕭贊傳作濟陰苗

胡本苗作苗

文

寵北史作濟陰苗文寵今從南史

綜更名贊

梁書南史皆云改名纘今從魏書北史

延明令江革作大小寺碑

南史作丈八寺碑今從梁書

十二月魏恆農太守王羆

周書羆傳羆未嘗爲恆農太守今從魏書

七年六月魏長孫稚爲討絳蜀都督

費穆傳穆爲都督平絳蜀不應有兩都督今從帝紀

八月元洪業殺鮮于脩禮請降于魏葛榮殺洪業自立

北史廣陽王深傳云深以兵士頻經退散人無鬪情連營轉柵日行十里行達交津隔水而陣賊脩禮常與葛榮謀後稍信朔州人毛普賢榮常銜之普賢昔爲深統軍及在交津深使人諭之普賢乃有降意又使錄事參軍元晏說賊程殺鬼果相猜貳榮遂殺普賢脩禮而自立與魏帝紀全殊又其語雜亂難曉今從帝紀

十一月曹義宗逼新野魏遣魏承祖辛纂救之

梁書此年冬新野降魏書肅宗崩後新野猶在恐梁書誤蓋梁自前年攻新野此年魏使魏承祖救之也又周于謹傳云孝昌二年與辛纂討義宗今以爲據

大通元年正月莫折天生寇雍州

羊侃傳作莫遮今從魏書

湛僧智圍魏豫州

魏帝紀及曹世表傳作湛僧今從梁夏侯夔傳

十月魏元慶和降陳慶之破魏兵王緯降

魏帝紀九月辛卯東豫州刺史元慶和以城叛梁帝紀十月庚

戌魏東豫州刺史元慶和以渦陽內屬夏侯夔傳湛僧智圍元

慶和於廣陵慶和請降詔以僧智爲東豫州鎮廣陵韋放傳普

通八年曹仲宗攻渦陽放會之城城原誤滅主王偉降陳慶之傳大

通元年隸曹仲宗伐渦陽城主王緯胡本緯作偉降詔以渦陽置西

徐州然則廣陵渦陽兩處兩事梁紀慶和渦陽之閒或更有脫

字耳魏紀九月據聞慶和始叛之時梁紀十月據慶和降款到

日按陳慶之傳云自春至冬今從梁紀十月爲定此別一廣陵

非南兗州之廣陵也王偉當作王緯蓋草書之誤也

二年四月魏長樂王子攸自高渚渡河

楊街之洛陽伽藍記高渚作雷波今從魏書

己亥魏百官迎敬宗於河橋

伽藍記云十二日爾朱榮軍於芒

胡本芒作邱

山之北河陰之野十

三日召百官迎駕至者盡誅之長厯是月戊子朔十二日己亥

也今從魏書

榮殺魏高陽王雍以下二千餘人

北史云榮惑費穆之言謂天下乘機可取乃譎朝士共爲盟誓

將向河陰西北三里至南北長隄悉命下馬西度卽遣胡騎圍

之妄言丞相高陽王反殺王公以下

胡本無以下二字

二千餘人榮傳

一千三百餘人今從魏紀

趙元則應募爲禪文

北史曰時隴西李神雋頓丘李諧太原溫子昇竝當世辭人皆在園中恥從是命俯伏不應按神雋等不應何得不死魏書本傳皆無其事

高歡勸榮稱帝

魏爾朱榮傳曰於是獻武王與外兵參軍司馬子如等切諫陳不可之理榮曰愆誤若是唯當以死謝朝廷今日安危之機計將何出獻武王等曰未若還奉長樂以安天下於是還奉莊帝北齊書神武紀云榮將篡位神武諫恐不聽請鑄像卜之鑄不成乃止蓋魏收與北齊史官欲爲神武掩此惡故云爾今從周書賀拔岳傳

十月以元顥爲魏王遣陳慶之將兵送之

梁魏帝紀皆云以顥爲魏主唯顥傳作魏王按魏封劉昶爲宋王蕭寶寅爲齊王蕭詧爲梁王皆俟俟原誤伺得國然後使稱帝耳若顥在南已稱魏帝當行卽位之禮又梁朝應以客禮待之又顥不應再卽帝位於渙水蓋由王字與主字止欠一點故多致謬誤今從顥傳

中大通元年二月魏濟陰王暉業

梁書作徽業今從魏書

四月元顥卽帝位改元

魏帝紀去年十月蕭衍以顥爲魏主號年孝基入據鉅城顥傳永安二年四月於梁國城南登壇燔燎年號孝基今從之

陳慶之拔考城

魏書帝紀克考城在辛丑後今從梁帝紀

五月魏臨淮王彧迎顥

或傳無迎顥事而梁陳慶之北齊宋遊道傳有之蓋魏使爲彧諱也

二年三月魏万俟倓

北史作万俟行醜今從周書

六月以魏汝南王悅爲魏王

梁帝紀中大通元年正月甲子魏汝南王悅求還本國許之二
年六月丁巳遣悅還北爲魏主按魏書悅傳悅未嘗歸魏復入
梁今刪去元年事

万俟道洛歸略陽賊帥王慶雲

魏帝紀作白馬龍涸胡王慶雲今從爾朱天光傳

八月遣兵送魏王悅至境上

悅傳云立爲魏主號年更興衍遣其將軍王僧辯送置

胡本置作至

境上以冀侵逼按僧辯傳未嘗送悅蓋王弁耳

魏邢邵

通鑑邵作劭注同

巒之族弟

北史邢巒卷首排目云族孫臧邵而卷中乃云巒叔祖祐祐從子蚪蚪子臧邵魏書亦云巒從祖祐然則臧邵乃巒族弟非族孫也

爾朱榮妻鄉郡長公主

北史世隆傳作北鄉郡公主今從魏帝紀

胡三省曰按考異作鄉郡長公主是也通

鑑作北鄉長公主傳寫之誤耳五代志上黨郡鄉縣石勒置武鄉郡後魏去武字爲鄉郡證以魏收志無北鄉郡則從鄉郡爲是

九月榮至洛陽

魏帝紀曰辛卯榮天穆自晉陽來朝按北史九月初榮至京十

五日天穆至是月甲戌朔辛卯乃十十原八日非也誤七

爾朱世隆走賀拔勝不從

周書及北史云勝復隨胡本隨世隆至河橋勝以爲臣無讎君

之義遂勒所部還都莊帝大悅今從魏書

十月爾朱拂律歸

魏書無拂律歸名伽藍記有之按爾朱度律時在世隆所或者

拂律歸卽度律也

魏源子恭鎮太行丹谷

伽藍記云源子恭楊寬領步騎三萬鎮河河原內今從魏書

爾朱世隆至長子

魏帝紀云世隆停建興之高都今從世隆傳

十二月爾朱兆從河橋西涉渡

伽藍記云從雷波涉渡今從魏書兆傳

魏城陽王徽抵寇祖仁家

魏書作寇彌按寇讚諸孫所字皆連祖字或者名彌字祖仁今從伽藍記

爾朱兆召高歡并力

北齊慕容紹宗傳兆召高祖紹宗諫曰今天下擾攘人懷覬覦正是智士用策之秋高晉州才雄氣猛英略蓋世譬如蛟龍安

可以借

胡本以借作借以

雲雨兆怒曰我與晉州推誠相待何得輒相

間阻囚紹宗數日乃釋之北史紹宗語在神武請帥降戶就食山東下按兆始召歡以自救非猜嫌之時今從北史

三年二月魏廣陵王恭陽瘖

伽藍記云莊帝疑恭姦姦詐夜遣人盜掠衣物拔刀劍欲殺之恭

張口以手拈舌竟乃不言莊帝信其真患胡本無患字放令歸第今從魏書

爾朱兆監軍孫白鷁

北史作白雞今從北齊書

四四當五月爾朱仲遠使魏僧勉通鑑勉作昂討崔祖螭斬之

北齊李渾傳普泰中崔社客反於海岱攻圍青州以渾為征東

將軍都官尚書行臺赴援而社客宿將多謀諸城各自保固堅

壁清野諸將議有異同渾曰社客賊之根本若簡諫驍勇銜枚

夜襲徑趨營下出其不意咄嗟咄嗟原誤出老之間便可擒殄如社客

就擒則諸郡可傳檄而定諸將遲疑渾乃決胡本決作速行未明達

城下賊徒驚散擒社客斬首送洛胡本洛下有陽字按其年時事迹與

祖螭略同未知社客即祖螭為別一人也今從魏帝紀